



12. Tschanteda da la suprastanza cumünela in marculli, ils 22.7.2015 a las 19.00 in chesa cumünela S-chanf

Presidi: Duri Campell

Preschaints: Gian Andrea Bott, Paolo Bernasconi, Jnes Barblan, Liun Quadri

Absaints:

Actuar: Duri Schwenninger

Tractandas:

1. Protocol
2. 7.900 Plan da quartier Resgia Chapella, discussiun finela cul planiseder e decisiun per varianta definitiva
3. 0.211 Dumandas da fabrica
4. 0.209 Cunvegna instrucziun da musica in scoula primara cun la scoula da musica EO
5. 7.100 Schlargiamaint infrastruttura Somvih, decisiun regard lingias per l'ova potabla e meteor traunter las chesas Zappa ed ex Nicol
6. 6.200 Via Suot Chesas, lavuors da mantegniment tar la stüerta chesa Plozza, surdeda da lavuors
7. 9.999 Varia

La glista da tractandas vain approveda cun stricher la tractanda 6.

Protocol: Il protocol da la tschanteda dals 08.07.2015 vain approvo unanimamaing.

95 7.900 Planisaziun dal territori cumünel Plan da quartier Resgia Chapella, discussiun finela cul planiseder e decisiun per varianta definitiva

Per quista tractanda es preschaint il planiseder cumünel. Ils seguaints puncts vegnan discutos e decis:

Vender terrain illa zona da priewel	decis unanimamaing da na vender terrain illa zona da priewel.
Adattamaint da la via da Susauna e stüerta	decis unanimamaing d'adatter la via vers bunura e la stüerta.
Via tres il quartier schlarger sün 4.0 meters	decis da na schlarger, lascher scu planiso.

Prescripziun da fabricher in möd massiv	decis cun 3 cunter 2 vuschs da pussibilter da fabricher tuot las variantas pussiblas.
Scumand per fabricats d'elamaints	decis da na cun 3 cunter 2 vuschs da na proibir ils fabricats d'elamaints
Cussagliaziun da furmaziun	decis cun 4 cunter 1 vusch da desister sün üna cussagliaziun da furmaziun externa.
Scumand d'implanter bos-cha	decis unanimamaing da scumander d'implanter bos-cha i'l perimeter dal quartier, frus-chaglia dess esser pussibel.
Prescripziuns da culuors	decis cun 3 cunter 2 vuschs da na prescriver las culuors da las fatschedas, da valüter zievamaun las dumandas da fabrica.

Zieva chi sun gnidas dedas tuot las spiegaziuns tres il planiseder decida la suprastanza d'adatter il plan da quartier scu decis e da decider illa prosma tschanteda da publicar il plan da quartier.

**96 0.209 Contrats e cunvegnas
Cunvegna instrucziun da musica in scoula primara cun la scoula da musica EO**

L'instrucziun da musica da basa es ün proget traunter la scoula primara e la scoula da musica Engiadin'Ota. Nossa scoula metta pais sün üna promoziun da l'instrucziun da musica in fuorma d'ün cuors da basa. Schi sun insomma avaunt maun avuonda scholars chi tiran a nüz la spüerta, vain mno tres il cuors facultativ separedamaing cun 2 classas. Scha la spüerta vain trat a nüz da pochs scholars, as po eir metter insembel las 2 classas. La suprastanza fo üna lectüra da la cunvegna e decida unanimamaing d'accepter quella scu propost dal cussagl da scoula cun üna düreda da 2 ans.

**97 7.100 Chanalisaziun/sarinera
Schlargiamaint da l'infrastructura Somvih, decisiun regard lingias per l'ova potabla e meteor traunter las chesas Zappa ed ex-Nicol**

I'l program da fabrica pel schlargiamaint Somvih d'eira previs da refer eir las lingias traunter las chesas Zappa ed ex-Nicol ed eriger üna lingia da meteor per la via cumünela vers la chesa Mammoliti in Sur Chesas. Impü üna glüsch per la senda publica vers la staziun. Las novas lingias passan tres la parcella privata dad Andrea Caratsch. Zieva chi ho gieu lö ün discuors cul nouv proprietari da la chesa ex-Nicol e zieva chi'd es gnieu notiers ün murütsch suotteraun traunter las chesas sün terrain privat, es da stipuler üna cunvegna cul proprietari da la parcella nr. 32 chi regla cha la vschinauncha ho il dret da passagi cun las lingias tres il terrain privat e po desdrür il murütsch, però cun la garanzia, cha'l murütsch suotteraun po gnir darcho fabrico sül terrain da la parcella nr. 32 in possess dal proprietari. Ils cuosts per la refacziun dal murütsch vaun plainamaing a charg dal proprietari da la parcella nr. 32. Zieva animeda discussiun decida la suprastanza unanimamaing da stipuler cul proprietari üna cunvegna chi regla las differentas pretaisas e registrar quella i'l cudesch fundiari.

98 9.999 Varia

La suprastanza piglia cugnuschentscha da la charta da la sgüraunza da fö Grischuna e la proposta da proibir sün tuot il territori cumünel da fer fös e da lascher ir raketas ils 1.

avuost, causa il priewel da fö pervi da la süttina actuela. La suprastanza es da l'avis, da decider il scumand da fer fös e da lascher ir raketas pür cuort aunz ils 1. avuost. Dürant ün'eivna as po müder auncha la situaziun.

A las 22.20 vain la tschanteda alveda.

In buna fè

L'actuar:
D. Schwenninger